

明
詩
紀
事

明詩紀事

貴陽陳田輯

目錄

張祥薦十一首

祥薦字道卿金壇人嘉靖己未進士除戶部主事歷員外郎中出爲河東運司同知遷雲南知府有華陽

洞稿二十二卷

列朝詩集道卿與七子同時亦相往還其詩以清潤爲主不染叫囂之習故不爲時人所稱如云雁嘶江塞月人枕成樓霜信警句也
靜志居詩話道卿詩瀟灑絕俗頗類永嘉四靈
田按華陽洞詩聲調俊爽七律亦與七子調相近茲選取其清利一派

下邳

子房本俠士意氣橫秋旻志在翊亡韓養士輕黃金劍術豈
不偉惜非古所欽佐漢既龍躍報秦亦淵沈素願一以酬封
侯非夙心長揖謝圭組鳳凰翔千尋

春日偕吳崑麓沈劍南杜靜臺飲城東水亭

雲靜水容澹煙輕山翠微一尊逢落日孤興到漁磯碧草未
堪把青春強半歸忘機鷗鳥識故故傍人飛

丹陽道中夜泊

細雨丹陽郭新寒小雪天孤舟繫遙夜亂葉落疏煙一斗吳
姬醉三百水衡錢流留問叢桂高詠小山篇

初夏曉起

曉起池塘新水平炊煙不動四鄰清放梢疏竹弱無奈挾子

幽禽馴不驚園甲半黃和露摘水田分綠帶雲耕長貧詎是
因官薄懶性從來不治生

徐州登戲馬臺

羣山迴合擁徐方望眼平臨鳥路長斷壁中開危磴立飛流
西下濁河黃風塵伯業偏安地戎馬中原古戰場最是楚宮
堪涕落荒臺無樹倚斜陽

寶應湖阻雨邵禎數年兄贈詩卽景賦答

繫纜共聽湖上雨逗帆同阻石尤風殘春楚水沙棠楫落日
淮山桂樹叢海內文章陳伯玉船窗書畫米南宮新詩勞贈
瓊瑤重欲報雙金愧未工

順德道中午憩

燕趙驅馳一駐車
悲歌懷古獨躊躇
處囊誤作平原客
去國慵題樂毅書
白苙迎風秋颯颯
青槐垂屋雨疏疏
問程南走邯鄲道
悵憶才人下嫁初

過邯鄲黃梁祠

客路南來又幾程
西風一十九長亭
亂山傍馬暗逾碧
芳草擦人秋更青
往蹟尋常行處在
畏途依約夢中經
邯鄲道左神仙去
試問盧生醒未醒

南中秋思

憶昔悲歌燕市中
鄉書猶得寄南鴻
年來更逐孤雲遠
歲晏曾無一字通
獨夜暗愁連蟋蟀
故園秋夢到梧桐
駐顏不信丹砂訣
句漏何須滯葛洪

初夏西庄

門外青溪接五湖，綠陰如水水如鋪。
舍南舍北多漁市，村近村遙有酒壚。
簾拂新梢移翠竹，窗分涼影轉青梧。
十年一覺長安夢，歸訪煙波舊釣徒。

買舟

曉窗百舌數聲啼，雨歇春流綠滿隄。
買得扁舟小如葉，憶梅撐過野橋西。

曾同亨一首

同亨字于野，吉水人。嘉靖己未進士，授刑部主事，改禮部吏部歷員外郎，中進太常少卿，以事歸起大理少卿，歷順天府尹，以右副都御史巡撫貴州，移疾歸。

起南太常卿召爲大理卿遷工部侍郎進本部尙書
加太子少保以病歸起南吏部尙書加太子太保贈
少保諡恭端有泉湖山房稿

次登雪浪閣韻

閣上寒雲冉冉歸江頭木葉向人飛清風明月成孤賞負卻
山中蕨筍肥

沈節甫一首

節甫字以安烏程人嘉靖己未進士授禮部主事歷
員外郎中移疾歸起光祿寺丞累官至南刑部侍郎
召拜工部侍郎贈右都御史諡端靖有太樸集
別家後述懷

弭蓋俄驚春事更揚帆又過閩城自緣朱紱驅行役枉使
青山費送迎某水某邱耕釣侶一談一笑歲時情田家萬事
堪思憶金馬空傳避世名

錢鎮一首

鎮字守中烏程人嘉靖己未進士官兵部郎中有淡
菴集

山中雜興

當午炎氣蒸煩溽困不舒披徑啟荆榛芳樹垂華滋羣鳥藉
床蔭宴無事弋虞水面微風至荷香與之俱心曠暑不侵況
茲值涼颼余心久無械鳥巢可俯窺異類尙爾馴何用多疑
爲

沈桐一首

桐字時秀歸安人嘉靖己未進士累官右副都御史

巡撫福建

送王東涯

陽明高弟子
心齋之子

身世駢隙駒斯道無終窮紛紛百年內奔馳空西東卓哉山
陰叟示我真參同奈何假道者竊弄迷其宗靈明信天啟拂
拭須人功毫釐或有違千載成冥蒙念子賢者後至理早已
融譬彼三世醫指授甯無從金陵多少年矯矯猶羣龍接席
尚未煖言別何匆匆秋風吹白楊送子意萬重再來慎勿暮
桃李候春紅

張鹵一首

鹵字召和儀封人嘉靖己未進士累官右副都御史
巡撫保定以忤張居正馮保左遷南太常卿有許東
集十四卷

秋日寄答謝茂秦

江天渺渺雁初飛
桂子風前點客衣
宦況那堪秋又晚
詩朋偏恨信全稀
雨中上黨春聯句
燈下陽城夜掩扉
舊事祇今常在眼
登臨空憶謝玄暉

沈啟原 一首

啟原字道升秀水人嘉靖己未進士累官陝西副使
有鷓鴣草巢雲館詩紀

登本覺寺追次蘇韻

支公駐錫此祇林
薜剝殘碑尙可尋
三過音塵俱是幻
當年世故總成今
談經卻憶蓮花舌
卜隱長懷薜荔心
徙倚清暉忘去住
滿庭花雨正秋深

林澄源一首

澄源字仲清莆田人
嘉靖己未進士除戶部主事歷
員外郎中出爲貴州參議歷參政擢四川布政使有
悟往吟

贈徐山人

結束芒鞋踏紫霞
幔亭深處覓仙家
一聲長嘯雲飛去
三十六峯春自花

宿度四首

度字元周掖人嘉靖己未進士累遷按察使以太僕

卿致仕有淡然園集

王士祿溥音集太僕介靜有大節不附江陵時有十六君子之號性僻山水宦轍所至屐齒殆遍爲詩清恬翛然應表

四月始得解官賦此明志

少乏明哲資逐波落塵網悠悠四十年一朝謝鞅掌偃息舊園廬草木何蕭爽良晨策杖遊泉石恣所賞招我素心人攜壺借草莽讓和不弭節歲月忽已往南榮有遺編何爲多營想

宿塔院寺

探幽尋古剎遙度碧山岑雨過一溪響雲歸千樹深異香聞

佛院清磬出祇林暮宿招提境悠然象外心

正月吉祥寺餞劉梅沙憲長

楚客辭官去羣公祖梵林別絃驚漸急離思悵何深松栝藏
初地汾流帶夕陰嗟予亦倦鳥幾欲仰朝簪

嘯臺

幽人已千載寥廓百門岑獨對山臺月誰聞鸞鳳音冰霜仙
字剝松柏古祠深落落重過日甯知歎賞心

公一揚一首

一揚字■蒙陰人嘉靖己未進士官工部郎中有

閒吟集

卜築

卜築幽崖下松桂自成陰清流環茅屋好鳥鳴深林涼風颯
然來時送採樵音望望隔層巒願言寄遐心

陳省 一首

省字孔震長樂人嘉靖己未進士

漢祀壇

漢武尋仙盡海濱乾魚曾祀武夷君至今人代更如許猶有
空壇鎖白雲

唐堯官 九首

堯官字廷俊晉甯人嘉靖辛酉舉人有五龍山人集

田按廷俊樂府古詩可與王子衡輩抗行惜邊地無人以張之也人知滇有張崧山亦識有五龍山人乎

東門行

出東門平岡遙迤望之懷以悲新塚鬱其嶢起借問死者何人斯仗劍三年去一旦輿輓京都歸兄弟客死亦何苦冥冥蒼天當怨誰爾身死莫恤寡妻閨中復何依管鮑不作古道陵夷髡亂之交徒爾爲

西門行

步出西門行北風淒以寒道逢遠鄉氓涕泣坐長歎問之亦何泣性命難苟延瘠土亡廣收征賦盡輸官去年加征力已殫今年加征役更繁妻子已賣盡刑誅不少寬相彼嘯鳥深林可安度枝隱葉毛羽亡殘膏解遠方去饑寒生死任皇天寄謝世間人耕田良獨難

梅花落

亭下芳梅樹春來色漸凋香隨風共遠花與雪俱飄不覺年
華改空悲道路遙相思徒自遣看罷倍蕭條

白紵辭二首

春陽駘蕩百花妍黃鳥嚶鳴紫燕翩雕房繡閣綺疏連蘭香
桂醕開瓊筵吳姬二八明粧鮮輕軀白紵隨風旋相攜挾瑟
彈朱絃願君極飲慶芳年

金風瑟瑟吹庭柯雙星燦爛明秋河人生百歲疾如梭爲君
酌酒揚清歌流紈曳縠舞陽阿凝嬌送笑權情多不惜既醉
朱顏酡酒盡鷄鳴奈樂何

烏棲曲

長檣大艚江煙薄歲歲揚州恣行樂月明橋上管絃新誰能

獨自度芳春

巫山高

巫山高不窮，秀色野煙中。
驚濤搖翠巘，驟雨暗丹楓。
夢覺襄王幻，臺悲神女空。
獨有猿聲切，朝暮送征蓬。

竹枝詞

二首

瀧東春水瀧西通，江上紅樓暮靄中。
郎去郎來渾不定，相思日日望征蓬。

郎在東吳妾在家，錦堂終日弄琵琶。
茶麝曾見郎親種，不見郎歸只見花。

明詩紀事

艾穆 九首

穆字和甫一字純卿岳州平江人嘉靖辛酉舉人除
阜城教諭入爲國子助教擢刑部主事進員外以劾
張居正奪情被杖謫戍涼州居正死起戶部員外出
爲四川僉事擢光祿少卿歷南鴻臚卿召拜太僕卿
以右僉都御史巡撫四川有終太山人集十卷

靜志居詩話艾公與吾鄉沈純甫先生同論江陵奪
情其適戍一西一南艾公出都詩云病向西風一促
裝寥寥征雁塞雲長流沙萬里無愁遠去國孤蹤信
若狂楚客江魚身可葬漢臣馬革骨猶香青山到處
皆吾土豈必湘南是故鄉是亦達人之言西竄之後
詩律多放空同自公而後南風多死聲矣
田按艾公以南鴻臚卿召拜太僕卿史云太僕少卿
非其質也公詩摹杜特挾奇氣蓋有偉抱者自無凡

舉也

鄆縣馬明府拉遊漢陂空翠堂紀興

天涯風物獨相親一笑江頭對白蘋
爲有波光清入酒況兼
山色澹宜人地如澤畔應吟楚客是
長沙解過秦此日逢君
花滿縣桃花不說武陵春

暑日飲後見白髮

身世飄然類轉蓬驚心素髮憶兒童
醉從赤日流天外吟遣
青霜落鏡中合併窮愁娛晚日豈緣
衰颯怨春風翩翩猶道
潘郎少秋興年來亦自雄

登南五臺後次早復登東五臺蓋皆終南第一峯而東
臺尤險絕稱勝紀興

嵐光空色相繽紛白動天門曙欲分路經碧澗失三伏人在
瑤空低五雲青山此日弔藜杖白晝元氣坐氤氲臥來忽作
遊僊夢看遍洞中赤霞文

蔡丈下第歸楚

柳花如雪亂河梁一曲騷歌向故鄉楚壁可堪悲上國燕金
猶自待中郎關河曙色催程急夢澤春陰引興長送爾爲揮
遊子淚薊門煙雨似瀟湘

送孫山人歸楚

把袂青門落日愁太行山色滿城樓孤村芳草三年色雙劍
關河萬里秋最是風塵能落魄且爲天地一豪遊古來遷史
多奇迹猶有浮湘事可求

舟中漫興

舟中偈仄不得往閑坐只吟數首詩開窗突放萬山入走筆
疑有三江隨渚花蕩漾帆色淨落月掩映湖天宜晴篇檢罷
問新月金波滾滾瀟湘湄

江月

大江倒月動我船湖天一色秋更妍樓臺萬點鏡中落魚龍
獨抱山光眠深杯寂寂酬暮景逸興飄飄凌紫煙風塵忽已
逾十載此夜江邊空自憐

登龍王堂

火雲策馬松峯巔松陰隨人淨娟娟笑從碧澗失三伏坐對
高僧空萬緣野蔬濁酒趁幽意殘棋半偈驚盡眼興來復向

翠微上醉眼十二樓中懸

穆鍊師不出觀者五年爲贈詩

丹竈煙霞盡日封只聞靈籟和疏鐘步虛人在華陽洞欲上
青天跨白龍

明詩紀事

貴陽陳田輯

目錄

申時行 八首

時行字汝默長洲人嘉靖壬戌第一人及第授修撰
歷中允諭德左庶子擢禮部侍郎改吏部兼東閣大
學士入預機務進禮部尚書兼文淵閣大學士累進
少傅兼太子太傅吏部尚書建極殿大學士加少師
兼太子太師中極殿大學士贈太師謚文定有賜閒
堂集四十卷

馮元成選集文定有韻之文對客立就不爲叫噪元
厲之音不爲卑弱浮靡之調才高學富神清氣定故

己錄卷十四

不必摹訓製格刻染煙雲與墨卿藻士爭長毫穎而自無不合

列朝詩集少師文藻婉麗實出同時殿閣之右
田按論相業於江陵後雖平為繼文定當國其待言
官倚不如江陵之刻鄒爾瞻劾罷徐學謨學謨文定
戚也以他事逐之已而占物情稍稍擢爾瞻官世以
此稱長者文定沒後刻賜間堂集有爾瞻序頗致褒
揚其同里給諫羅大紘見之怒甚勒令毀草謝過乃
已文定之歸以建儲事羅大紘疏謂陽附羣臣之議
以請立而陰緩其事以內交可謂伺見肺腑文定津
津置辯見於賜閒堂集四十卷雜記中然世莫之諒
也文定詩格軒爽即事三首猶見江湖魏闕之思

大峪行

大峪山頭氣鬱葱龍翔鳳舞來空中百二河山開福地萬年
天子作新宮新宮巖巖雲霄裏福地氤氲煙霧起面面峯巒
削不成迴翔澗壑石齒齒壯麗當年說永陵規模今日更恢
弘因山作城城百雉累石為臺臺九層立宮窮窅疏地脈紫

殿巍我象天極迴看複道彩虹飛仰視明樓絳霄通居然宮
闕寬蓬壺別是乾坤啟壽圖雲捧至尊紆萬乘從官恍惚聞
三呼三呼似起宸遊處是日天顏多悅豫應知喜色被山川
還見新恩覃雨露憶昨經營相宅時金貂玉珮先馳驅五度
鑾輿臨碧巘三回慈馭集瑤池兩宮親爲吾皇祝宜爾子孫
膺弗祿燕喜齊稱萬壽觴鴻庥已協三靈卜少年不習青鳥
書倉皇攘臂談堪輿一咤千人皆辟易重瞳四顧爲躊躇豈
知聖志符天意直以片言排異議十行一札降從天萬姓六
軍歡動地太陽始出重險開民庶欣欣共子來不辭頻年作
左校但願不日成靈臺春鍾如雲汗如雨軀命易金金易土
君王願笑只須臾少府水衡空立堵由來興建重勞民吾皇

此意尤諄諄木車茅馬常思漢銀海金鳧深鑒秦方上只今
將罷役露臺從此惜中人

賜問堂雜記初上幸天壽山展謁諸陵既踰年欲再
往蒲州以爲鑒與數出無事慢遊不可爲訓無已則
請如世宗預卜壽陵故事庶駕出有名上從之乃命
禮部選舉素諳地理者與欽天監官協同相擇乃推
南京刑部尙書陳道基通政司參議梁子琦聽補僉
事胡宥與監官張邦垣楊汝常偕往子琦剛復自用
與衆議不合乃獨獻吉地八處俟上臨閱地在斷崖
深谷墳崎福仄中乘輿歷陟危險上意不憚並報罷
而定形龍天陷兩山命定國公文壁輔臣時行及司
禮太監張宏率相擇官覆閱時道基宥已辭去獨子
琦在禮部謂其好勝爭前所奏地皆報罷不列其
名子琦怒遂疏論尙書徐學謨而語侵余上惡之勒
令閒住及駕再問定於大峪山勅工部擇日興工時
御史李植江東之與子琦厚善欲因事啟劾乃與御
史羊可立共疏言大峪非吉並劾監官張邦垣等欺
罔而通行金錢賂上所親信小賢當時號爲十俊者
數以蜚語動上時鑾輿已四出供費浩繁而將作
費已鉅萬九卿皆有憂色各具疏請上獨斷上乃召

輔臣時行等入見於感恩殿東室命降植等三級植等前以論籍江陵升太僕光祿尚寶各少卿至是復授員外郎主事而壽宮之議息矣始余被命閱視第以首臣在行原未習形家之說而閣臣職業從未有以相地爲輕重者諸臣別有推戴欲擊去余與新安等而上英斷終不爲所熒惑也

村居

粳稻千畦熟蒹葭一水長
結茆臨淺渚支木度橫塘
蓴鱸調羹美松醪潑甕香
莫嫌城市遠樂事在滄浪

歸田後初過泔平寺

上方煙雨石湖秋三十年來續舊遊
僧寺依然開白社宦情早已付滄州
祠邊碧草繁書帶橋畔青莎隱釣舟
文穆風流安可仰江亭猶自榜盟鷗

宋范文穆公釣處有盟鷗亭

過徐少參園池

千疊峰巒一鑑收別從人境寫瀛洲浮觴絕似蘭亭會噴壑
眞看瀑布流坐愛桃源時進艇望窮難壁更登樓不因解組
攜同調那得名園逐勝遊

卽事 三首

玉策金符出尙方海東萬里拜夷王三韓幸不侵甌脫九譯
何妨貢越裳持節子侯眞孟浪徵兵都護亦倉皇聖朝遠馭
如天覆築室甯須問道傍

臺省聯翩放逐新扣闥眞覺諫書頻由來立馬難鳴仗誰道
探龍有逆鱗瑣闥至今虛補闕都亭何處問埋輪賜環計日
頒優詔聖主能容慙直臣

漢宮宵炬却灰沈矯首雲霄思不禁未論經營須物力還因

謫告譏天心徵材已罄南山梓助耐誰輸少府金見說詔書
稱罪己老癯扶杖已謳吟

菊圃留客小飲漫興

菊圃茆齋次第成客來終日欸柴荆溜匙好共青精飯下豉
仍調錦帶羹有酒且須澆磊塊不冠時或廢逢迎百年世事
那堪問浮拍何當了一生

余有丁

一首

有丁字丙仲鄞人嘉靖壬戌第三人及第除編修歷
司業洗馬右諭德左庶子出爲南國子祭酒召拜少
詹事兼侍讀學士進太常卿擢禮部侍郎改吏部進
禮部尙書入直文淵閣改戶部兼武英殿大學士加

少傅兼太子太傅進建極殿大學士贈太保謚文敏
有文敏集十五卷

贈山人遊澤潞

相見未云久相違無那輕尊前湖海色天外薜蘿盟春與故人
去愁隨新柳生平生雙淚眼爲爾獨沾纓

郭諫臣

八首

諫臣字子忠長洲人嘉靖壬戌進士除袁州推官徵
授吏部主事歷員外郎中出爲江西參政罷歸起鄖
陽巡撫未上卒有鯁漢集四卷

四庫總目諫臣爲袁州推官時憤嚴嵩父子亂政乃密
籍嚴世蕃姦逆不道事因御史林潤上之世蕃遂伏
法及遷吏部員外論列時事語多切直遂與張居正
忤其生平伉直不愧其名與字而其詩乃婉約閒雅

有范成大陸游之遺雖十首以外不免語意略同如
高仲武之論劉長卿者然當太倉厯下主持壇坫之
時能毅然自爲不隨風氣亦足見其孤介矣
弇州山人續稿擬吳詩訓暢清麗句穩而字安近體
尤瀟灑可詠
田按縱吳王絕特有韻致

秋日都門送別有感

爲送南歸客翻憐北駐人白雲凝望遠華髮共愁新落日湖
南橘秋風江上蓴何時返初服吾亦任吾真

山房晚坐

山中初病起三宿遠公房避俗尋蓮社全生禮藥王泉流穿
澗冷花落染塵香對此逍遙坐將迎意盡忘

暮秋與徐兵憲郭參戎同登望江樓

層樓高聳大江濱與客銜杯醉夕曛地控荆甌山四繞臺臨

章貢水中分旌旗霞映紅成綺金鼓風飄響入雲回首更憐
秋色晚滿城黃菊送清芬

晚登南安公館後樓

夕陽煙郭萬山圍暮倚危欄挹翠微嶺海天高人北望江湖
秋老雁南歸疏簾風入還吹帽虛檻雲生欲上衣興比庾樓
真不淺坐看明月漸輝輝

春城送張幼子遊錢塘兼寄張水部德夫

胥江春水漫城陰詞客乘春去武林三月風光湖上好六橋
草色雨中深年來夙有青山約別後應多白雪吟花下若逢
張水部爲言予已三毛侵

夏日書齋

香消日正長蟬鳴夢初醒睡起立空階梧桐落清影

山窗獨坐

日永篆煙銷風寒袂袂薄開窗無客來坐久庭花落

秋晚南園

幽棲謝俗緣僻性耽清賞醉後步蒼苔東林月初上

穆文熙十二首

文熙字敬甫東明人嘉靖壬戌進士除行人進司副
遷工部員外歷尙寶司丞改吏部員外出爲廣東副
使有逍遙園集十卷

弇州山人續稿考功詩律雄渾奇崛所當無前惟小
洗俗氣足使唐人退舍
靜志居詩話敬甫論詩沾沾自喜亦強作解事爾集
爲劉子威石拱辰所定又安得佳

田按做市與王元美通聲氣元美謂諸賢操觚而與余交在四十人之列者也逍遙館集七律習氣太甚惟七絕一體清婉動人有往復不盡之致

送人

濁酒清燈黯不禁
雲山千里別同心
明朝二月東城外
黃鳥關關白故林

憶省中故人

解組歸來鬢欲華
從今萬事付煙霞
故人不用憐生計
已種東門五色瓜

寄京中友人

往事回看盡可哀
黃金駿馬等塵埃
定知此日東風裏
春草淒迷樂毅臺

登樓送蜀客

何事相將盡酒觴
天涯會晤杳難量
陽關只在清尊外
不聽猿聲亦斷腸

上高相公

解印歸來歲幾經
角巾常傍少微星
山中宰相無塵事
鳳沼年年草自青

送王子還越

王子南歸清興饒
湖邊歌舞駐蘭橈
不知彩筆題詩處
更向蘇公第幾橋

懷潭翁呂夫子

同向明時解綬歸
十年漳水各漁磯
春來何限相思苦
暮雨

蕭蕭自掩扉

贈別王山人

草廔時來不厭頻十年聚首見眞情於今歸去蘭溪里未必
鄉關是故人

得助甫晉陽書

一別雲山阻唱酬帛書兩度下并州高情不是張平子何得
懷人賦四愁

題西湖景

越王城下有西湖千載繁華寄畫圖我欲南遊看放鶴天風
先與報林逋

仰蓮遊蘇門山同詩以嘲之

秋山迤邐錦林稠獨把瑤琴何處調流水調高人寡和蘇門
風雨自瀟瀟

山家

迤邐荆扉鎮暮霞
潺湲溜迤邐離斜
山翁不解春來去
獨立夕陽數落花

李學道 六首

學道字汝致東陽人嘉靖壬戌進士除丹陽知縣徵
授御史以事出爲廬州司理擢南兵部主事歷郎中
出爲順德知府未上以憂歸起青州知府有青霞館
詩稿

田按汝致爲御史巡中城頗有風力許義挾刃嚇賄
執而苦之羣瑞吸汝致於午門外都御史王廷以身

翼之乃免時華亭當國戍首惡三人杖九人調汝致
於外以兩解汝致詩清教幽思如野籬疏花別有風
趣以視當時叱咤者喧且塵上矣

發舟

扁舟下蘭江江水何泚泚余家激溪濱溪流亦經此已別故
鄉人重逢故鄉水搖搖彩鷁飛東風疾於駛轉盼芙蓉峰渺
在層雲裏東山況復東迢迢三百里縱使無纖雲極目那能
指薄暮且停橈言採江岸芷採芷欲何爲寄與江中鯉

遊卧佛寺

綠陰迷野徑寂靜得禪關佛卧何時起吾分半榻閒枕邊虛
白石簷外自青山蚤破浮生夢居然出世間

秋思

半窗疏雨碧梧涼無那清秋客思狂淮水正連鷗鷺白鍾山
如笑鬢毛蒼美人相隔幾千里新雁乍來三兩行欲向西風
問消息重雲漠漠暗江鄉

首夏湖隄

郭外薰風散旅愁湖光山色共悠悠層荷出水綠於染老櫓
陰隄青欲流孤興不妨隨匹馬野情真可侶羣鷗雙眸不著
風塵色閒看江雲度石頭

過雲陽舊治

重過雲陽泊旅舟炊煙飛散雨痕收黎元自合歌新政故老
猶能話舊遊一笑春風花滿縣十年塵夢雪盈頭相逢意氣
無今昔坐對清樽盡日留

杜華南使君邀飲甘露寺

北固重登今十載
巖花含笑似相親
空林倚杖無塵事
斜日開樽有主人
漠漠水雲雙寺渺
霏霏煙柳一江春
鍾山只在凭闌外
嵐氣成霞入望頻

王叔杲

四首

叔杲字陽德永嘉人嘉靖壬戌進士除清江知縣改
常熟徵授兵部主事歷員外郎中出爲大名知府歷
湖廣副使進參政以事罷歸起福建參政不赴有玉
介園稿二十卷

田按陽德聞園於湖側名陽湖別墅又名玉介焦弱
侯有玉介園記茅鹿門有陽湖別墅記王弇州有陽
湖別墅前後記黃彪有陽湖別墅國別墅有景二十
陽德皆有詩咏之朝攜南岫雲夕弄南湖月則咏清

暉堂也嘯傲據東窗天際孤亭小則咏紆青閣也魚弄波光初日盪微暄則咏知樂軒也豈曰惜芳菲耶以閱年華則咏聚秀園也逶迤遵回蹊殘英落春澗則咏紅雨蹊也綠雲盡不開曲澗春流漫則咏滌滌亭也達人葆其光游心於玄默則咏潛光室也翠蓋瀉驪珠新妝嬌解語則咏暑香亭也鮮麗激幽香明月散清影則咏金粟嶺也白雲曳斜陽翠壁光相射則咏穿雲峽也獨坐松下石時眺湖中山則咏超賢亭也翠落寒池明冷浸滿湘雪則咏筠阿館也萬木青山劫干林翠欲滴則咏綠沈劫也方招楚寒王潤灞分雲根則咏淳玉沼也狎鷗蒲暮歸一棹川光暝則咏卧虹澗也暗香動梳雲疏影時明滅則咏香雪臨也植藥影離離湖風吹許許則咏清涼界也濯錦波鄰鄰藻澗不及駛則咏錦浪堤也鐘聲雨外遲梵語林中靜則咏黃界菴也晏坐湖上雲周覽莽無極則咏浮碧臺也陽德不以詩名擷其雋語可以屏浮囂之氣

清靜軒爲九嶽王丈賦

幽居抱冲素境寂煩累絕閒披老氏書悟想自怡悅白雲散

前楹長松挂新月

徐氏西園

側徑重重轉危橋曲曲通樹交當夏密花發借春紅別院聞
嬌鳥閒庭繫玉驄坐深微雨過檐際落煙虹

後湖

六朝臺榭蔓荆榛湖上重來倍愴神最是多情隄畔柳翠眉
猶作舊宮顰

送項華林北上

翩翩征旆拂春風驛路山花照馬紅年少攜家休悵別津亭
柳色似河東

蘇民懷

三首

民懷字子仁南海人嘉靖甲子舉人除趙州學官入
爲國子監丞遷刑部主事改戶部歷郎中出爲朗甯
知府有吹池稿

田按子仁詩頗英俊

書北齊馮淑妃傳後

鷹犬儀同各階級琵琶當殿黃門立齊兵已破平陽城妖星
馬上催粧急蒼黃介冑暗塵飛猶自嫣然著錦衣不聞汾水
方酣戰尙憶天池更打圍金雞啼上白楊樹不見鄴宮行樂
處無愁曲奈有愁何粉鏡敲殘紅淚多

俠客行

殺氣臨沙磧黃塵白晝飛請君雙羽箭破虜百重圍轉戰隨

驃騎捐生事武威從來遊俠骨不是顧輕肥

野老

草閣臨江東荆扉向水開花深嘯鳥坐風細晚潮來綠竹籠
沙岸丹楓點石臺滄溟有漁父煙艇日徘徊

胡衡一首

衡字平甫會川衛人嘉靖甲子舉人有鳴岳集

訪人不遇

一徑入山路南中隱士家山苗栽半夏石火煮新茶白鶴窺
書幕元猿護鼎砂訪君君不見鎮日望煙霞

明詩紀事

貴陽陳田輯

目錄

王錫爵一首

錫爵字元馭太倉州人嘉靖壬戌第二人及第授編修累遷祭酒進詹事拜禮部侍郎進本部尙書兼文淵閣大學士參機務累加太子太保改吏部尙書進建極殿大學士賜歸加少保贈太保諡文肅有集五十二卷

靜志居詩話元美標榜詩人於五子四十子之外以其弟敬美及文肅稱二友焉

茉莉羣芳

瑤臺嘉樹散清香名品相傳出越鄉
姿孕仙漿塵不染影籠
華月玉爲粧非關嶺表根苗異自是天邊雨露長
聞說堯階
生屈軼願言移植伴羣芳

蹇達一首

達字子脩重慶人嘉靖壬戌進士累官兵部尙書有
鳳山草堂集

贈濮陽李符卿

懷璧甯堪罪無端乃陸沈豈緣明主棄轉覺謗書深
郡僻容
高卧官閒足苦吟
遂臣心未折秋氣任蕭森

林煙一首

煙字貞耀閩人尙書庭機子嘉靖壬戌進士授戶部

主事歷廣西副使還太僕少卿終南工部尙書有覆

甌集六卷

東南嶠外詩話林貞耀登攝山絕頂句云雲霞縹緲諸天近草樹迷茫萬壑低王氣長浮鍾阜北江流斜抱石城西非親涉其境者不知此語之工也

渡湘潭

瀟湘日夜向東流萬里西行獨未休擬弔汨羅何處是江蘼極目不勝愁

戚元佐四首

元佐字希仲秀水人嘉靖壬戌進士除禮部主事歷

員外郎中遷尙寶少卿有青藜閣集

靜志居詩話吾鄉彭子殷論詩卽尙七子然其詩不類也至戚希仲則全以七子爲圭臬矣州列四十子

不及希仲何與
橋李詩繫希仲善精法與文徵仲韻頤畫祖巨然筆
力蒼勁詩極秀穎

京師上元詞二首

月滿天街香霧飄燈樓歌吹咽春宵自來都下傳遺俗一片
新粧出走橋

火樹光搖照九衢粧成百寶錯流蘇春官自有文皇典每至
元宵請大酺

春日

綺閣香籠繞碧紗夢回亭午試新茶湘簾半捲微風起花汗
屏前玉辟邪

春日同戴將軍送柴子開

立馬章臺酒數巡
柳條空自裊殘春
花前獨有羌童侍
學得吳歌送越人

項思教

一首

思教字立菴臨海人嘉靖壬戌進士授刑部主事歷
員外郎中出爲漢中知府歷湖廣參政遷廣西按察
使

將之楚會縣尹陳君崑潘君霖於眞武洞

一曲清江萬疊山
筍輿晴日度仙關
陰陰石洞爐煙細
寂寂松扉鶴夢閒
清磬遠從天外落
黃冠已向日邊還
於今悟得長生訣
說與諸君一破顏

蔡可賢

一首

可賢字子齊成安人嘉靖壬戌進士累官

副使

有西征鼓吹

平甯夏二首

五月王師大合圍石如雨下矢如飛健兒不識醫生面夜半

挑燈認繡衣

力盡謀窮內變生無須血刃下堅城等閒一曲黃河水誰信

強於十萬兵

列朝詩話甯夏之役海衛州監軍單騎免胄出諭諸酋皆羅拜決黃河水灌城乃成功二詩皆實錄也

沈立華

一首

立華字遂伯嘉興人嘉靖壬戌進士除禮部主事歷

官南太常卿遷大理卿有竹葉軒藁

敬禮南都奉先殿紀事

高皇肇太廟松桷連穹窿尊祖有孝孫典禮適升躋一從遷
都後遺制終未賤有司列俎豆上公視瓊圭豈意歲甲午烈
火墮榱題諸諱出出音其兆先端倪盈庭議移祀中廢成町
畦猶餘奉先殿薦新乃殖鬱微臣承祀事入廟歌鳬鷺高后
配在天御幄神所棲眾妃位東序一妃獨在西成祖重所生
嬪德莫敢齊一見異千聞實錄安可稽作詩述典故不以後
人迷

靜志居詩話明南都太廟嘉靖中爲雷火所焚尙書
湛若水請重建而夏言阿世宗意請罷有旨并入奉
先殿按長陵每自稱曰朕高后第四子也然奉先廟
廟制高后南向諸妃東列西序惟嬪妃一人具載南
京太常寺志蓋高后從未懷妊豈惟長陵卽懿文太
子亦非后生也世疑此事不實誦沈大理詩斯明徵

矣

王乾章一首

乾章字順卿東陽人嘉靖壬戌進士除中書舍人進
御史出爲四川僉事改河南歷江西參議廣東副使
以事罷歸起福建僉事進雲南參議有浪遊集

舟行

風生桂櫂輕願盼不知處一帶水痕香蓮舟從此去

明詩紀事

貴陽陳 田輯

己籤

許國 一首

國字維楨歛人嘉靖乙丑進士改庶吉士除檢討歷
編修贊善洗馬遷南國子祭酒召拜太常卿領祭酒
事擢詹事兼侍讀學士遷禮部侍郎進尙書兼東閣
大學士入贊機務加太子太保文淵閣大學士進少
保武英殿大學士加少傅兼太子太傅改吏部尙書
進建極殿大學士贈太保諡文穆有集六卷

王家屏文端集少傅許文穆公未遇時讀書宛陵山
寺有兩青鳥飛鳴其前移時乃去僧言此碧雞也相

傳唐李翰林自蜀中攜來惟舒梓溪狀元一見因出
所藏圖繪示公公爲賦碧雞篇意頗自負

送江近山南還

昔年與君何處遊曲隰春花小閣幽今年與君何處別旅舍
秋風吹落葉人生聚散那可期葉自飄零花自飛一同相見
一同老百年能得幾時好管鮑交情世有無全交要在心相
孚心疑頓起一方怨山海千重隔座隅君不見道傍伏謁車
中喚布衣往往能驕人三千門下爭彈鋏食客誰言薛園貧
請君棄置勿復道有酒與君且傾倒薊門秋迴雁南翔朔漠
風塵異故鄉君隨南雁且歸去遲我黃山丹竈傍

陳經邦二首

經邦字公望莆田人嘉靖乙丑進士選庶吉士授編

修歷諭德侍讀學士進禮部侍郎兼太子賓客詹事
府詹事擢本部尙書贈太子少保有羣玉山房詩稿

秋風吟

蓐收總新轡四序已半過仰視河漢流皎皎生涼波常恐荃
蕙晚離思當奈何徘徊不能寐慷慨還自歌

乞休

宦情元偃蹇世路况艱虞短策惟三徑扁舟自五湖詞應裁
棄婦論可著潛夫問道東園竹依然覆酒壚

歸有光

五首

有光字熙甫崑山人嘉靖乙丑進士除長興知縣遷
順德通判擢南太僕寺丞有震川先生集三十卷別

集十卷

列朝詩集熙甫爲文原本六經而好太史公書能得其風神脈理其於六大家自謂可肩隨歐曾臨川則不難抗行其於詩似無意求工滔滔自運要非流俗可及也當是時王弼州鍾二李之後主盟文壇聲華烜赫奔走四海熙甫一老舉子獨抱遺經於荒江虛市之間樹牙頰相檣柱不少下嘗爲人文序詆排俗學以爲苟得一二妄庸人爲之巨子弼州聞之曰妄而誠有之庸則未敢聞命熙甫曰唯妄故庸未有妄而不庸者也弼州晚歲贊熙甫畫像曰千載有公繼韓歐陽余豈異趨久而自傷識者謂先生之文至是始論定而弼州之遲暮自悔爲不可及也汪琬號峯文鈔先生詩往往有出入孫恆廣韻及吳才老韻補者最爲古雅田按熙甫五古得古人遺韻據事數辭皆有關係王阮亭笑汪鈍翁注熙甫詩人之嗜好實有不可解者猶不免詞人之見

沛縣

泗水抱城堙東去日潏潏豐沛至今存漢事已千春嗟我亦

何爲獨歎往來頻封侯不可期白日坐枕淪每見沛父老旅
行泗水濱雞犬如昨日此亦非昔民空傳泗水亭井邑疑未
眞城外綠楊柳高帘懸風塵猶有賣酒家王媪幾世親高廟
神靈在英雄卻笑人

隆慶己巳赴京寓城西報國寺贈宇上人

慈宮崇象教構此絕華炫深巖闔香火危峻瞰郊甸鬱鬱糾
松枝低歷遶廣殿當年帝舅親削髮住茲院說經老龍聽出
手五獅現曾聞長者言天雨曼陀遍吾識宇上人頭陀今哭
弁修容冥法相妙悟在論讀導我畫廊行指示西方變展起
供清茗時共禪悅飯我老欲歸去世事今已倦當結塵外緣
山中儻相見

題周冕贈任別駕卷二首

江南列郡盡乘城藏穴何人肯出兵惟有使君躬擐甲劉家
港口看潮生

東倉白晝靜城闔煙火連天豺虎隕忽駕迴潮趨海道傳呼
盡避瘦官人

田按此紀蘇州同知任環被倭事也史稱倭患起長
吏不嫻兵革環性慷慨獨以身任之卽第一詩惟有
使君躬擐甲劉家港口看潮生也朱竹垞云任公躬
瘦瘠倭人目曰瘦官人望而避之卽第二詩忽駕迴
潮趨海道傳呼盡避瘦官人也熙甫又有海上紀事
詩云任公血戰一生餘蓮碧花嬌村塢虛義士劉平
能代死吳門今不數專諸史稱倭犯太倉環馳赴之
短兵接身被三創幾殆宰夫捍環出死之卽義士劉
平代死事也熙甫又有頌任公詩云輕裝白紵日提
兵萬死甯能顧一生童子皆知任別駕歸然海上作
金城任公以禦倭摧按察僉事進山東參政當時皆
以爲賞薄不足酬勞厥後給事中徐師曾頌其功詔

贈光祿卿復加贈巡撫建祠蘇州春秋致祭史不言
贈巡撫事疑遺漏也

陳吾德 一首

吾德字懋修新會人嘉靖乙丑進士授行人遷工科
給事中以論事斥爲民起原官改兵科出爲饒州知
府謫馬邑典史起思州推官寶慶同知皆不就復起
紹興同知遷湖廣僉事有謝山存稿十卷

贈別劉近之

尊酒平生意與子別河梁顧瞻寡儔侶道路阻且長越鳥依
南棲寒鴻向北翔羽翼各有適胡能不參商義馭無還軌在
苒悲流光勉矣卽前路引領遲成章

邱齊雲 一首

齊雲字謙之麻城人嘉靖乙丑進士除戶部主事歷
郎中出爲保甯知府改湖州有吾兼亭集

田按謙之一徑一花色無時無鳥聲西山道中句也
盛有時名

王伯固邀遊赤壁

移尊尋勝迹鼓棹破江煙感此浮雲事焉知赤壁年
清風吹水立山月入窗懸一片淒涼色無人不可憐

王弘誨一首

弘誨字忠銘一字紹傳定安人嘉靖乙丑進士授庶
吉士累官南禮部尙書有天池草二十六卷

四庫總目弘誨初釋褐時值海瑞廷杖下詔獄力調護
之張居正當國又作火樹篇春雪歌以諷爲居正所
銜蓋介特之士也

秋夜獨坐簡故鄉知己

涼風肅秋宇，明月照庭帷。
攬衣起中夜，四顧何躊躇。
伊昔來京國，青楊拂地垂。
冉冉歲已周，嚴霜履淒淒。
其思親戚云暮遊，子別經時南國無。
來鴻消息安可知，以茲結中情，彷徨無所之。
更念同心友，參辰久乖離。
望遠不得至，悠悠勞我思。
願言崇令德，皓首慰相期。

袁尊尼

五首

尊尼字魯望，長洲人。僉事麥子嘉靖乙丑進士，除南禮部主事，改吏部歷員外郎，中出爲山東副使。有魯望集十二卷。

弇州山人稿：魯望詩貴錢劉而不欲捨吾吳弘正之步。

田按魯望詩才華不及乃翁山語雅令不落叫鷺之習

山中寄別張大伯起

子有漸鴻志予爲采芝客以予山中雲送子風外翼舒卷亦何意升沈各有適託以常相附永爲心所惻

寄鹿泉丈人

林屋疑無地金庭別有天山從堂下出湖向樹中懸雲覆仙壇草花迷古渡煙何時揚子宅還泊戴家船

七月八日長兄席上戲成

清風樓上皆沈醉惟有騷人解獨醒玉樹後庭知幾曲銀河昨夕翻雙星酒徒空惱劉公幹詩句偏驕杜德靈最是松屏涼思好晨鐘隱隱不堪聽

冬夜宿泊平寺

禪房深處但聞香茗碗詩箋覺晝長坐聽雨聲湖上起一帆
歸去暝煙蒼

贈鄭緋桃

璚芳湖上門鮮穠一朵倉緋壓綺叢殢殺路傍金勒馬沿遊
回首悵東風

方九功一首

九功字允治南陽人嘉靖乙丑進士除江都知縣徵
授吏部主事歷員外郎中太常少卿累遷南工部侍郎有白下稿廬機堂稿

望旋臺

旋臺香閣倚雲松遙望層巒知幾重虹飲澗流沈夕照雨來
山谷變秋容投棲近寺寒生榻習靜中峯夜聽鐘更擬明朝
淩絕頂無生妙旨叩禪宗

胡濤一首

濤字原荆無錫人嘉靖乙丑進士除永豐知縣改安
福徵授廣西道御史以建言落職爲民有采真堂集

田按原荆擢御史時神宗卽位六日命馮保掌司禮
監疏請嚴馭近習毋致諂諛虧損聖德冬妖星見悲
慶宮後火災又疏請徧察掖廷有蒙先朝寵幸者體
恤優遇其餘無論老少一概放遣疏中有唐高祖天
語幾麗大辟輔臣宛轉解救乃削籍罷爲民詩好作
奇語似其爲人

寒日山中

寒近不可禦拏雲雲滿身捧腸貯冰雪叉手看松筠骨立青

山在顏衰白首貧誰家尙高塚落日卧麒麟

王圻 一首

圻字元翰上海人嘉慶乙丑進士除清江知縣改萬
安徽授雲南道御史出爲福建僉事謫邛州判官遷
進賢知縣改曹縣擢開州知州歷青州同知擢湖廣
僉事陝西參議有洪洲類稿十六卷明農稿四卷

田按元翰究心著述有續文獻通考二百八十九卷
謚法通考十卷稗史彙編二百二十卷兩浙鹽志二
十四卷海防志八卷水利考十六卷吳淞江議一卷
青浦志八卷詩非所長

江南初夏

旅窗蕭瑟芭袍涼別院清和午漏長細雨欲催梅子熟薰風
初送楝花香不妨綠樹迷江路自有清陰占野塘欹枕偶回

鄉國夢吾廬新竹已成行

陳文燭 二首

文燭字玉叔沔陽州人副使柏子嘉靖乙丑進士除
大理評事歷寺副寺正出爲淮安知府遷四川副使
歷漕儲參政福建按察使進布政使改江西遷應天
府尹進南大理卿有二酉園詩集十二卷文集十四

卷續集十三卷

詩數陳京兆玉叔溫良樂易海內稱其長者尤喜汲
引後學卽閭巷岩穴有片善必孜孜稱述不容口所
至戶履恒滿詩文清婉典飭居然名家

送費參軍之留都

雙旌南下日搖落正新秋羽檄還多事參軍好借籌六朝黃

葉寺二水白鷗洲庾信江關賦能無寄舊遊

寄懷家叔時官黎平

音書南望暮雲低官舍蕭蕭對五溪
衡雁北來飛又盡不知曾過夜郎西

沈洲 三首

洲字子靜濟南新城人嘉靖乙丑進士改庶吉士授

檢討遷司業有沈太史詩

穀城山房集司業詩體骨遒婉結社長安有人豪之稱

送范伯禎之留都少司成

楊柳忽愁思春風奈別何攀條從此去倚棹共誰歌
雲盡三山出天空一雁過鄒枚元侍從蕭禁遲鳴珂

寄贈四明李山人

結屋雲山深復深幽懷長對薜蘿陰江清石瀨堪垂釣月滿
花溪獨抱琴湖海有情還縱飲乾坤何處不高吟天涯相憶
不相見醉倚春風空此心

題劉漢翁侍御二亭

結亭漢江上時飲江亭下山翁醉不眠落日還騎馬

管大勳一首

大勳字世臣鄞人嘉靖乙丑進士選庶吉士改給事中
中出爲臨江知府遷四川副使左遷延平知府進湖
廣副使擢福建布政使加光祿卿致仕有休休齋集

渡沙溪

碧水自南來恰與西溪會
陵谷無古今川流自襟帶
山形盤地維灘聲響天籟
前村好風日裴回發清嘅

明詩紀事

貴陽陳田書



宋登春

九首

登春字應元新河人自號海翁又號鵝池生有宋布

衣集三卷

四庫總目登春文章簡質可匹盧相蟻螭集而奇古之

趣勝之五言詩頗淡遠可誦

徐學謨海隅集鵝池生始慕俠能挽強馳騎聞出其

餘智爲小詩又稍稍通繪事師江夏吳偉之京師日

跨一蹇馳行長安道中往來覓詩方是時臨淄布衣

謝榛以詩遊公卿間聲藉甚生間得其詩唾之曰作

詩何爲者而令七尺軀津津諛貴人可活耶居京師

亡所過去之渤海入兗州登嶧山觀秦皇帝遺碑還

居長白山一蕭寺出囊中放所貯漢魏盛唐名家詩

閉關揣摩如是者三年頗窺作者之戶遂大放厥詞

而於五言尤工眼駿駿白亡今人矣生嘗至江陵故
遼王奇其詩召謁便殿語不合一夕遁去數年復
來是時吳人徐某為荊州守間生高自往物色之明
日生戴紫綵冠衣皂縉衫報謁据守上座守為生授
室城中後數年守坐廢家居自江陵步數千里
來海上從守遊居三月別歸江陵守曰江陵難將作
矣後二年遼王果坐吏議廢生久在遼王所抱不與
用事者比不及於難生五言詩有類孟襄陽者清婉
悲激非近歲布衣詩可儷也
李先芳東岱山房集鵲池能詩畫嵩著僧帽食大肉
讀楞伽經玩世不恭詩宗少陵亦燕趙之佳人也
筆精鵲池生詩悲惋豪逸嘗賦俠客云脂擲賽劉琨
家奴過孟賁千金不肯顧一劍為酬思趙瑟停鳳柱
燕姬促象尊平生歛段馬羞入孟符門又抱玉幾年
終獻楚懷書垂老莫干秦又酒賜方大黃金盡世事
才知白髮多皆自寫其胸臆者也
列朝詩集盧德水曰海翁傲睨一世每慨今人無詩
有難之者謂翁但工五言寂寥短章如才力易誦何
翁曰吾幸以才力誦故得以沈思苦吟審於性情之
正以求歸於溫厚和平彼才力橫驅霍莽兀者方
傷於所恃能無窮大而失居乎著詩禪瑣評一卷其
言曰文中子謂北山黃公善醫先寢膳而後鍼藥汾

陰侯生善筮先人事而後卦說余未善詩先性情而後文辭寢膳人事性情也鍼藥卦說文辭也丙戌歲余寓杜亭決旬與德水談詩甚快德水曰公之論詩謂當解駁形相披露性情何其言之似海翁也靜志居詩話王喬之王棺桓司馬之石椁可以謚曰至愚然而楊王孫之僕葬劉伯倫之荷鍾便埋亦矯枉之過也鵝池生語邢子愿云君視宋登春豈山栢四周中人將浮錢塘脫履江干乘潮解去旣而果躍入江魚腹之葬果勝於一棺之土乎君子譏其誕矣生詩平淡寡深思不失爲賈浪仙李才江一流田按海翁五律矜鍊局於邊幅七言律絕揮霍自賞有唐賢遺韻

江村寒食

白鳥忘機久青山吾道存興來從杖屐老去愛雞豚楊柳橋邊市桃花江上村兒童沽酒至風雨閉柴門

秋日登吟覽樓

遠客不宜秋況登江上樓心隨胡雁滅身爲楚雲留漢廣饒

菰米湘清聚白鷗寒砧何處發落日動鄉愁

江陵草堂漫賦因憶楊少通

疏闊平生事支離遲暮年鄉關朔雁外客舍楚江邊酒伴曾
誰訪詩狂還自憐經過楊執戟許寄買山錢

南遊留別劉元和

東風習習芳草柔欲去不去情悠悠贈劍何年刻玉字對君
一笑說滄洲肯教白髮悲春晚乍可黃金買笑愁此日離別
那可道相思長遠晉山頭

送句吳豪士遊大梁

二首

汴水東流接大河曾經帝里問銅駝春風二月旗亭酒落日
夷門一放歌

沙塵風起晝冥冥二月黃河尙帶冰
桑柘夕陽村店路同誰
走馬弔韓陵

擬宮中行樂詞 二首

碧殿春深瑤草肥美人對月舞羅衣
夜來不作青鸞夢化作
彩雲何處飛

玉輦春遊夜未央紫衣侍史謾焚香
黃金瑣合鸞鴛殿無限
春風到海棠

踏青楊柳洲

驂駟蹀躞上芳洲楊柳青青楚水流
日暮東風搖百草不知
何處是昭邱

王穉登

二十一首

穉登字百穀武進人

廣長巷主生

志移居吳門有

晉陵金昌燕市雨航青雀客越竹箭梅花明月采真

清茗越吟荆溪延令苦言等集

弇州山人稿

百穀詩

取獨詣

婉盡人巧

隋絕

王奉常稿

百穀雅善韻語

灑灑清新

野獲編

近年詞客寥落

惟王百穀巍然魯靈光其詩

纖秀爲人所愛

亦問受譏

彈周公瑕與百穀俱以書

王冠吳中各不相下

王目周書爲蚯蚓拖泥周亦目

王書爲螳螂打拱似亦微有云

列朝詩集百穀十歲爲詩長而駿發

香刻翠名滿

吳會間嘉靖甲子北游太學汝南公方執政

閣試

中

中

中牡丹詩百穀有借相公袍上紫香分太極殿

中

中

中

中

中

煙之句汝南賞歎擊節引入爲記室較書祕閣將令

中

中

中

中

中

以布衣領吏事不果而罷汝南卒無子百穀渡江往

中

中

中

中

中

哭其墓丁卯復游長安華亭當國頗修姚張之怨客

中

中

中

中

中

戒百穀毋自哀公門人百穀謝曰馮驩任安彼何

中

中

中

中

中

人哉刻燕市客越二集備書其事所以志也百穀爲

中

中

中

中

中

中

雅之道未有所歸百穀振華啟秀鹽枯吹生擅詞翰
之席者三十餘年
靜志居詩話百穀詩亦華整第嫌肉勝於骨
田按百穀才情妙絕矣州四十子詩云百穀命世才
興文自綺歲賞歎逾恒願不錄於五子之列殊不可
解

寄內

柳花化浮萍不能復上枝丈夫殉功名安問還家期去年與
君別庭中辛夷花今年花若何遊子正思家花亦當再開人
亦當遠歸歸不待秋風勿寄秋風衣喜鵲知行人飛上門前
柳試問蘇秦歸還能下車否

由古蕩過西湖經萬松嶺作

理裝辭蘭若遵渚趨川溇迤邐桑下陂首翠松上閣阡術散
縱橫臺觀俯寥廓澄湖練如洗層巒綺相錯芙蓉被清瀨

蛄響幽壑風獵枯林鳴葉翳寒泉涸蘇公蹟已陳白傅名何
邈宋時過獻歛錢祠入盤礴綴嶺寺從梁棲鳥墓爲岳雷焚
浮屠塔水嚙越王郭僧鐘禮青冥鳥道陟殘鐘霜條鬱金翠
巖竇儼丹堊冉冉雲生杖飄飄雪滿橐迅舸勝遊鱗輕輿宛
飛鶴晨策信已疲午憩差云樂皇皇卽征途棲棲焉所泊

朱少傅綠陰亭中醉歌

長安城東少傅家亭前槐樹似青霞鴛鴦瓦上枝初出翡翠
窗中影半遮聞道先王舊時宅大樹西臨洛陽陌花發垂檐
檠戟香葉齊穿戶衣裳碧自從獻入蓬萊殿秋雨秋風瑣空
院雲裏朱門不再開人間黃髮猶曾見君侯種樹比前人葉
葉枝枝雨露新王家本自多喬木天子山來重世臣風流蘊

藉兼文武卻笑藍田惟射虎功名不獨上麒麟辭賦還能擅
鸚鵡圖書多似蔡中郎金石丹青數十床手闌琅玕裝作軸
蠶叢錦綺剪爲箱虛亭如在深山處黃鸝紫燕俱無語屏間
瀑布夜長鳴壁上寒雲飛不去何人能薦馬相如何處能容
奏子虛惟君題我門前鳳惟君問我釜中魚意氣蕭蕭一儒
者憐才未肯輕山野投壺不讓祭遵多飲酒豈讓羊祜下大
宛名馬桃花毛亭上天寒看寶刀酒醒一枕南柯夢騎出燕
山月正高

卧病聞吳幼元將往金陵走筆問訊

地僻梅花晏天寒藥裹增懷人聽夜雨強病買春燈斷酒愁
難減清齋瘦不勝題書問遊子何日去金陵

龍母廟

松塢石林林秋風萬壑陰泉清塵客耳花照定僧心龍去野
祠破鳥嘖山竹深蒼生饑涸甚朝夕望爲霖

垂虹亭對月與管建初

蘭橈繫夕曛月出水紛紛亭子白虹半江光鳥鵲分不知何
處笛只隔一重雲今夜嫦娥意清光多爲君

塘栖

水濶雨溟溟飛帆去不停人聲兩崖斷魚市一江腥雲已辭
吳白山初到越青候生數行淚千里弔玄經

聽吳少君談雁宕山水

十載宣鴻迹飄飄不可羣神僊鬼谷子道士稷邱君瓢貯龍

漱濕衣浮雁宕雲坐間巖壑事山氣夕細縕

海夷

錢塘雄盛比姑蘇宋室南遷是帝都處士梅花經戰馬美人
楊柳失栖烏翠華輦路雲俱斷白馬潮聲海半枯惟有將軍
青塚樹枝枝南向野鷹呼

送盧太守罷官歸楚

日南呢鳥半含愁聞說盧敖不再遊剖竹曾行溟萬里迷花
初罷漢諸侯故人開閣誰青眼刺史還家尙黑頭如去書家
池上醉莫教山簡獨風流

錢王祠

玉帶龍衣貌宛然朱門碧殿暮潮邊行人下馬看碑字高柳

藏鴉拂廟牆。禾黍故都州。十四波濤殘岸。鴛三千傷心一片。
厓山地。月色潮聲更可憐。

光福寺懷碧公

古寺春雲冷不勝。竹青梅白水層層。檀那次第有千臘衣鉢。
流傳。凡幾燈。晉代殘碑。昏似霧。遠公新影。瘦如藤。故人獨有
陶元亮。行過溪邊。淚濕膺。

遊毘山故大司空潘公別墅

流鳥飛入未央宮。太液池波照夜紅。黃屋正須將作監。青山
不起大司空。微雲漏日崦嵫外。片水啣城瀉滴中。欲上高樓
看震澤。欄杆寂寞鎖秋風。

至日謝在杭送酒錢

長至勞君送酒錢他鄉風物倍堪憐烏程三斗難中聖蒼弁
羣峰空刺天佛日漸經香案上慈雲不散竹房前羅敷豈學
臨邛女閒盡相如綠綺絃

贈刻令施君

而翁昔日守昆陵曾謁龍門御李膺有子今爲鑑湖長題詩
欲寄若耶僧蘭亭勝事風堪續刻水扁舟雪可乘五十曾稽
官未晚聞君清似玉壺冰

中秋日送錢象先遊豫章

西風征雁不堪聞病裏題詩思送君月與離樽今夜滿秋將
行色一時分匡廬木落山如黛彭蠡霜寒水似雲公子西園
賓客盛好陪飛蓋共論文

答甯夏黃中丞唯尙

靈武妖氛埽未清十年狐鼠尙縱橫中丞仗鉞新開府驕虜
悲笳莫近城帳下幾人能草檄秋來無處不屯兵君王欲識
邊臣苦一夜清霜繞鬢生

虎邱

空原豐草貞娘墓萬木青青玉骨迷惟有殘鶯學遺曲深秋
還上竹枝呢

長安春雪山

一半秦聲半楚聲秦娥調瑟楚娥箏鳳凰城裏家家雪但是
紅樓凍不成

曹娥廟

漠漠秋潮浸古祠蕭條黃絹已無裨祇應秦望寒山色青似
曹江孝女眉

席上贈曹太史家歌姬

東山昔伴謝公遊一曲能傾十二樓今夜佛燈禪榻畔路傍
相逐按梁州

王叔承十一首

叔承初名光眉以字行更字承父晚更名靈岳又字
子幻吳江人有壯游吳越游荔子楚游後吳越游嶽

色編等集

四庫總目叔承早棄舉子業縱游齊魯燕趙又入闕入
楚其在鄴下鄭若庸薦之趙康王叔承以王無下士
實意賦詩以行有壯心欲別逢知己羞向侯門待晚
餐之句又客大學士李春芳家亦以使酒偃蹇謝去

史稱其與王錫爵爲布衣交錫爵再召時有建三王
並封議者叔承遺書數千言訓當引大義以去就爭
不當依違兩端負主恩辜物望蓋其氣節懷抱亦非
當時山人墨客以詩句爲市者比最後從願養謹於
塞上無所成就而歸乃不復出
弇州山人續彙承父於諸體無所不精歌行尤其至

者
列朝詩集承父爲詩豪若莽蒼天才爛發最爲王元
美兄弟所推敬美序其詩以爲太初謏其精俞謝遜
其兼七言歌行頃刻數百言可喜可愕種種變幻
真能以牛溲馬勃爲藥餌嬉笑怒罵爲文章然元美
作五子詩不及承父僅居四十子之一而已承父序
卓漱甫之詩曰詩衰於宋元北地起而復古一代摩
擬之格此其創矣歷下一變銀鍊陶洗脫凡腐而尙
精麗然才情聲律未極變化故用豪句構壯字自高
或晦而難疊復而致厭始多宗之後且避之也弇州
與愿下同名而異用又變而博大僻遠汪洋磅礴無
所不出入安究其底則死骨未寒非之者過於慕之
者矣承父之持論如此何怪乎弇州實應川憎陽浮
慕之而實不與乎
辭志居詩話承父才情奔逸下筆不能自休其論詩
不甚傾心王李大指謂事與景者天地所有之物

偶遇而收之情與意者吾所本有之物偶觸而發之
彼吾役也吾不彼役也斯言良是惜其所作率半有
十九王元美序之稱其句就而色自傳篇就而用恒
有餘驟讀之恍然若新既讀之而又恍然若故王敬
美序之稱其能以牛溲馬勃爲藥餌嘻笑怒罵爲文
章蓋皆寓貶於褒之辭而承父自負其才受二美之
龍絡不覺也平情而論承父亦安能敵元美卽就宮
詞百首而觀已遠出元美之下特其卷帙繁富不減
弇州詩部爾

田按承父才情在沈嘉則之上弇州爲作崑崙山人
傳又爲序荔子編序後吳越游編情頗不薄而承父
持論時有異同與謝茂秦不和弇州五子詩均足爲
布衣吐氣

自錢塘由富春桐江抵七里灘同范仲昭

鳴榔曉發錢塘江波開綠酒浮春缸江風吹帆三百里青山
片片隨船窗山頭挫天根插水兩岸陰森那可已游郎如坐
綵雲來人家盡住瑤屏裏三江煙樹嗟空闊誰道龍中更奇

絕陡巖風翠寒撲肌拂手藤花灑香雪荆扉女兒揚茜裙映
柳窺人半明滅山村酒價不用錢笑減青梗沾竹葉風波相
遇皆行邁死生肯付乾坤外采芝昨上桐君廬占星又宿嚴

陵瀨

東海游仙歌簡王學士元馭王中丞元美

曇陽仙子王家姑幼從節烈參虛無七年服氣絕煙火玉樓
明月寒冰壺精光射天天欲坼列宿羣真自相迫憑虛密諦
五千言語落天香翠綃隔座上非時荔子紅空中當書霓裳
白一朝丹旆扶桑曉海東家近蓬萊島左持星劍右揮塵笑
蓉之冠簪七寶靈蛇故繞飛昇臺彷彿茅龍與青鳥歌成混
沌謝蜉蝣吹斷琅玕人世小丹霞一縷通紫京瑤華雙頰桃

花明九月九日金母宴西池使者迎飛瓊手辭萬眾灑然去
青蓮擁蛻秋蟬輕是時余坐蒼龍嶺獨鶴橫空見仙影黃菊
杯搖赤羽幢知是天台籍新選玉堂學士本仙吏怪得金閨
出靈異女且開班玉帝宮眼底英雄齊奪氣仙機縹緲人不
聞秘訣乃授瑯琊君文章信有神仙骨漆園傲吏才如雲許
碯謫地爲酒狂狂余落魄希蒙莊采真方寸成邱壑五嶽眞
形醉裡藏自從子晉緱山後往往往仙人喜姓王縹緲仙機何
不有笑倩瑯琊問南斗方平昨得麻姑書五百年來別未久
宅時相見崑崙嶺滄海桑田幾重九希夷先生只好睡東方
小兒善盜酒

野獲編王太倉以侍郎忤江陵子告歸其仲女嚴陽
子者得道化去一時名士如弇州兄弟沈太史懋學

屠青浦隆馮太史夢植瞿君汝稷輩無慮數百人
皆頂禮稱弟子先已豫示化期至日並集於其亡夫
徐氏墓次送者傾東南說者疑其爲蛇所祟蓋初遇
仙眞卽有蜿蜒相隨直至遺蛻入龕亦相依同掩則
此說亦理所有然和同三教力摘旁門語俱具弇州
傳中初非誣飾也事傳南中給事牛爲炳者遂贊以
獻江陵疏稱太倉以父師女以女師人妖誕不經并
弇州輩皆當置重典時徐太室學謨爲大宗伯太倉
同里人也力主毀廬焚骨以絕異端慈聖太后聞之
亟呼馮瑄傳諭政府江陵驚懼始寢其事

趙州柏林寺觀雙壁畫水歌

王弇州題長句辯畫非吳道子爲志解嘲然趙州也
誤定州余歌亦及之解嘲之解嘲矣

嘗觀馬遠十二水江漢汪洋騰片紙此水卻傳吳道子雙壁
波濤映空起初疑塑出海眼層竦身拂手纔知平又疑阿耨
現法水久視恍覺奔湍鳴畫家神品鬼工入展妖龍女輸精

靈起伏萬態布尋丈淋漓水墨青天傾性空真水彌天地趙
州老禪或遊戲口吸東流噴壁間千秋不斷滌沱沸楊巖水
觀更奇絕身化秋潭空光澈坐來心與畫相融五內冷然俱
水月吾鄉王弼州辨畫非吳生故人忽在畫長句猶縱橫何
爲趙州寺誤作定州稱眼前名地且自失筆端古蹟何須評
君不見趙州談禪渺無際庭前柏子西來意人空畫空水亦
空方寸微茫萬里逝半月車馬征塵紅穀紋可有漁舟通笑
向畫中攜片水煙帆飛送吳江東

茅平仲願靈宮小飲

邂逅金焦客京華自出塵飲當仙觀晚來及御園春白首饒
花事青山耐酒人鮓鮮櫻子熟夢落大江濱

冰出吳江

臘去三朝雪春來十日冰
櫓鳴寒玉破舟白浪花凝
客夢天無際人烟樹幾層
吳江沙月暝雁影落漁燈

金陵覽古

南北乾坤壯此行西風走馬石頭城
三吳往事秋濤急六代新愁暮雨生
龍虎祇今餘王氣江山千里護神京
請看豐鎬艱難地迴首園陵無限情

遊觀音巖燕子磯因感梁王達摩故事

觀音高閣迴巖扉客酒憑陵燕子磯
山帶石城孤寺立潮平江國亂帆飛
故宮木葉空金盃荒渡蘆花失寶衣
我亦乘風欲西逝少林秋老白雲歸

吳江舟中秋懷

千古殘碑現渚沙
闌岡山碧帶枯槎
錦城煙雨迷王國
江市笙歌半酒家
墓冷要離甯有劍
館空西子尙餘花
壯懷迴首吳歛發
胥水天寒散暮鴉

甲午除夕飲蘓門豬茲酒感興

臘盡江村萬里歸
客裝猶帶岳雲飛
殘年恰傍疏梅老
故侶驚同落葉稀
果弄新孫燈爛熳
盃傳名酒雪霏微
五湖元有羣鷗在
明發輕刀理釣磯

宮詞

柳外鞦韆拂綺樓
舞闌初解翠雲裘
玉鞭夜踏桃花馬
萬朵銀燈照打球

少年行

千金寶劍萬金裝
笑擲胡姬綠酒床
醉躍紫騮呼俠客
東風吹入鬪雞場

沈明臣 十九首

明臣字嘉則鄞人有豐對樓集四十三卷

四庫總目明臣詩才氣益涌得之太易
列朝詩集萬歷間山人布衣豪於詩者吳門王伯穀
松陵王承父及嘉則三人為最王元美繼二李之後
狎主詞盟引同調抑異已謝茂秦故社中老宿有違
言於歷下則合從以擯之海內詞人有不入其門牆
不奉其壇單者其能自立者鮮矣伯穀才名故與烏
衣馬糞相頽頗承父早多貴遊嘉則晚依宗衮三人
者其聲勢皆足以自濠元美與之雅故在異同離合
之間夷三君於四十子而登胡元瑞於末五子雖未
能一切抹殺其用意軒輊猶前志也
靜志居詩話嘉則文長同在胡少保知遇督府周防
嚴密文長恒戴敝烏巾衣白布襍衣非時闕入或出

泥飲夜深猶開戟戶以待嘉則嶽嶽不阿少保遙望
見必起立及少保死請室中嘉則走哭墓下持所爲
誄遍爲訟冤比於文長懼禍發狂者相越矣嘉隆間
士大夫以篇什相高最繁富者莫若弇州於時吳明
卿之版甄洞汪伯玉之太函李本甯之大泌山房以
及劉子威馮元成余仲房屠緯真之徒糟邱肉林愈
多愈穢下及布衣若王承父王伯穀輩咸以多相尙
嘉則先後積詩七千餘夫安得精然絜之承父則雖
饒腐菌間有神芝卽屬勢芻不無嘉蕙非若諸君之
叢菁荒茅紛然彌望也
田按嘉則渡江見王弇州持所爲詩求序曰吾先後
詩爲篇者七千而今僅四百不欲以武夫累玉也可
謂有自知之明厥後陳大科盡刻七千餘首非其意
也嘉則詩五七言近體七絕多有合作古體長篇間
傷厖雜非出之太易之爲累乎

遊寶嚴寺

山口帶湖濬秋光媚行客高樹半青黃澄潭湛寒碧一徑入
逶迤荒林鐘磬僻紀寺屢廢興殘碑在東壁因而蕭夫子乃

是唐代蹟空墳局千年但有荒苔色回首問白雲何時再來得

題畫冊

勝國雲林生曠達天下士筆勢無古人逍遙絕塵滓畧約寫山水老樹空亭子殘山青欲無當從白雲逝

題煙江疊嶂圖爲雲間徐司理用敬

只尺湘江分漢浦春水春山半煙雨晴來白浪卷桃花濕處
蘼蕪漲鸚鵡人家遠岸入微茫參差樓閣青霞傍屏風出沒
有無際螺髻隱見芙蓉光風吹白雲斷不斷雲裏蒼松亂
亂欲窮遠勢落滄溟孤帆只到青天半卽今畫手吳門多意
匠筆力當如何莫言點綴空草草經營幾向南宮過細觀

髣髴誰似疊嶂樓。而宛溪裏澄江如練。謝立暉恍惚移來欲
千里雲間司理徐浦城。片言往往稱神明。庭空吏散白日靜
哦詩看盡冰壺清。

靈谷寺

詔開金粟界。客問寶公堂。古殿秋雲白。深松夕照涼。馬餘荒
埭草。鹿過廢園牆。最是鍾山色。朝朝在竹房。

過淮陰

客問淮陰道人過。跨下橋春風吹野樹。落日照寒潮。楚漢山
河改。君臣恩怨銷。惟應祠漂母。千載奠蘭椒。

過樊江

處處足清波。樊江一棹過。浦帆秋色遠。村樹晚煙多。水飯資

菱芡山衣雜芰荷度來風裏曲半是榜人歌

老夫

春雨連三月陰雲亘九霄此生眞箇莽萬事總蕭條憂國惟黃髮回天賴聖朝老夫貪一壑倘可託漁樵

與孺覺幽尋

邱壑本吾性願於之子同蘋花吹晚白梨葉戰秋紅到枕水聲滑下庭山影空前林足幽事路與白雲通

寄題李之文春水亭

池上青蓮館館前春水亭鷗來不肯去客至但沈冥浩蕩迴天影煙波洗性靈城邊落日下半入海霞青

吳門懷古

廢苑遺宮久寂寥吳王舊恨已全消
城臨九陌要離塚水落三江范蠡橋
衰草不憐馳道毀野花曾妬館娃嬌
未須過客悲搖落卧聽寒塘生暮潮

夢中與諸客賦詩分題得漢武帝

大略雄才廓九州玄苑直接日南陬
將軍已斷匈奴臂使者還封博望侯
金殿秋分王母席玉樓春御吉光裘
不因封禪巡行出築得宣防瓠子不

題李賓父蕭皋別業

林泉自有徵君業古碑何年別姓蕭
路入青溪雙女廟天低綠樹鮑郎橋
三家鄰舍能供酒十里江田不用潮
時世清平吾與汝不妨長此作漁樵

吳門送黎祕書惟敬解官還嶺外

白首三朝侍從臣，投簪歸作嶺南人。
五千去路梅花月，萬里恩波越水春。
別望雁書來瘴海，夢思龍劍合延津。
羅浮倘向君王乞，絕勝吾鄉賀季真。

七夕阻風泖浦柬長卿明府開之吉士

此夕明河爛不收，相逢猶自隔南樓。
花邊靈鵲迷橋影，水上孤楂礙石尤。
微雨淩空仙珮濕，纖雲約月鳳簫愁。
北門學士誰爲賦，千古令人恨未休。

四月望後始得朱溪新茗分貽鄭明系以長律

海國今年氣未融，一春多雨病山農。
到來新茗時全過，分去餘甘手自封。
消渴最憐君卧久，提攜無奈使難逢。
一盃仁許

金莖露好挹天泉對古松

凱歌

銜枚夜度五千兵密領軍符曉令明
狹巷短兵相接處殺人如草不聞聲

蘇州歌

甬上耆舊集少保胡公宗憲行部七閩燕將士矧柯
山上酒酣樂作請嘉則作凱歌十章坐上詩立成儺
酒高唱至狹巷短兵相接處殺人如草不聞聲少保
起將其鬚曰何物沈郎雄快乃爾卽命刻石山上

闔閭城外木蘭舟朝泛天池暮虎邱
三萬六千容易過人生只合住蘇州

昭陽郡中送客

天涯秋盡別余歸一片鄉心傍汝飛
醉裡題書醒處讀不知

雙淚落斜暉

廢宅桃花

昔年池館似高唐
猶有桃花滿壞牆
夢裡春風渾不覺
一枝無語弔殘陽